

Date	: 13 Januari 2018
Title	: PKS UNITEN sasar juara liga MWHL
Publication	: Kosmo!
Page	: 59

PKS Uniten sasar juara Liga MWHL

Oleh MUHAMMAD ZUHAILY
BADLISHAH

SKUAD hoki wanita Pusat Kecemerlangan Sukan Universiti Tenaga Nasional (PKS Uniten) sudah bersedia mengharungi kempen musim baharu Liga Hoki Wanita Malaysia (MWHL) 2018 bermula 18 Januari ini.

Ketua jurulatih PKS Uniten, Lailin Abu Hasan meluahkan keyakinan untuk mencabar dua gengasi, Pasukan Hoki Wanita Terengganu (TLHT) dan Blue Warriors dari Polis Diraja Malaysia untuk merebut salah satu daripada dua kejuaraan dipertandingan musim ini.

Biarpun tidak diperkuat-

kan dengan tenaga import, namun kehadiran tiga tonggak skuad wanita kebangsaan menyaksikan PKS Uniten mempunyai barisan seimbang dalam misi merealisasikan impian tersebut.

"Blue Warriors mempunyai tiga import dari India selain beberapa pemain kebangsaan seperti Farah Ayuni Yahya, Norbaini Hashim dan Nuraslinda Said. TLHT pula mempunyai enam pemain kebangsaan.

"Kali ini kami mempunyai tiga pemain baharu yang secara tidak langsung memperkuat pasukan. Kehadiran mereka memberikan keseimbangan kepada pasukan untuk kami mencabar memenangi sesuatu musim ini.



SKUAD hoki PKS Uniten bertekad memberi saingan sengit kepada pasukan lawan dalam saingan MWHL yang bermula 18 Januari ini.

"Tahun lepas kami meraih tempat ketiga liga dan terkandas di separuh akhir (Piala Vivian May Soars). Kali ini kami mahu

menjuarai liga dan mara ke final untuk satu lagi kejohanan," kata Lailin yang berterima kasih kepada pihak pengurusan PKS

Uniten melantiknya sebagai ketua jurulatih pasukan itu.

Lailin yang juga penolong jurulatih skuad wa-

nita kebangsaan berkata demikian sewaktu majlis pelancaran jersi dan pengenalan pemain PKS Uniten menghadapi cabaran musim ini di Kampus Uniten, Kajang, Selangor semalam.

Selain tiga pemain baharu, PKS Uniten turut mengekalkan empat pemain kebangsaan yang menyarung jersi pasukan itu musim lalu seperti kapten, Raja Norsharina Raja Shabuddin, Nurul Nabiha Mansur, Surizan Awang Noh dan Fatin Shafika Mahd. Sukri.

Anak-anak buah Lailin akan memulakan kempen musim ini menentang Penang Juniors di Universiti Sains Malaysia (USM), Pulau Pinang pada 18 Januari ini.